

畿輔通志卷二百七十二

列傳八十 列女二十八

國朝二十二 永年 曲周

國朝

廣平府

永年縣

甯三樂繼妻馬氏年十六于歸事姑孝撫前室子如已出二  
十二歲夫亡遺孤光祖光允俱幼氏勺水不入口者數日紡

績奉姑誓不改適年七十八卒康熙二十三年旌

康熙志兼  
採縣志

案康熙志撫遺孤爾講成進士爾讀爾  
謨俱成名誤爾讀爾講爾謨其孫也

胡天眷妻任氏年二十五夫亡守節至七十五歲卒縣令余

維樞表其門曰清芬蘭雪康熙二十八年旌

舉人盧愜印

縣志作  
愜允

妾方氏臨清人愜印卒嫡以方甫十六

又無所出遣之去流涕跽請守節卒康熙二十九年旌俱同上

郝女許字李芳潤芳潤病危迎女歸未及門而芳潤歿守節

六十餘年親屬罕見其面年八十卒康熙三十年旌大清一統志

兼探縣志

趙一鸞妻張氏早寡遺孤在抱家貧無依歲荒日刺繡易米

以奉姑已則食木皮草子僅得不死守節五十餘年康熙三

十五年府志作順旌邑人申涵光撰趙節婦傳節婦永年小

力作事姑以孝稱越三歲鸞死有子方二歲節婦欲死姑大

勸曰遂爾之義此呱呱者安撫吾血食其軻諸節婦乃不死

夜篝燈紡績嚴霜草榻遺孤在抱啼聲與杼機相答姑病額

天以身代此愈時時以十指博甘脆姑怡然弄孫若不知其

無子者後姑死哀慟踰常葬如禮子振宋節婦督之嚴日子

脫不肖願行而玷宗吾負此地下人會年饑不足供伊唔之

費或勸以易業節婦傲然曰甯士貧無賈裕也振宋亦體母

志卒厲為端人弱冠補博士弟子員文名日起於是宗族里

閭咸說服謂節婦之教云直指以其事上聞得俞旨

建坊海以內無不知有節婦者節婦今年六十五守節四十

餘年矣申子曰自時代變更而益知節婦之難也彼裙釵笄  
褱之人生於窮簷敝闥未嘗誦詩書晰大義倫紀之任固無  
責焉以至性所激九死不移豈不烈烈勝鬚眉哉乃或以劓  
鼻斷臂之事赫然耀彤管如趙節婦者平平無奇嗟乎夫人  
亦各論所遭耳死節易保孤難節婦正爲其難者貧無立錫  
之地食不足以供練覈而姑以養終子以教立此四十餘年  
間何異吞氈啖雪耶嗚呼風俗之偷也誦詩書晰大義無愧  
此裙釵笄褱之人焉足矣嗚呼難哉

康熙志兼採府縣志

舉人鄭之望妻張氏年二十四夫亡事翁姑以孝聞撫子茂

慈誨兼至庶子蕃先繼夫伯兄嗣伯兄有子聽蕃歸愛之與

茂同析產會親族鬪分之人以爲難守節四十餘年年六十

四卒

康熙志兼採縣志

張五美妻方氏揚州人五美官通判方年二十三夫亡子鴻

基甫一歲方守節撫孤備極艱辛歷五十餘歲卒鴻基官知

縣

劉格妻張氏格早卒無子父母以其少欲嫁之張矢死不從

守節五十餘年康熙五十年旌俱同

楊之孚妻馬氏年二十二夫亡舅姑欲強嫁之服毒死清一大

統志 邑人申涵光撰楊烈婦馬氏傳烈婦馬氏永年馬家莊馬安女年十七適楊寨楊之孚越五載之孚病歿烈婦哭之幾絕者再矢死不更適既服除翁與父謀婦年少無所出會當嫁之烈婦聞跪請於姑曰曩不即死正以代夫事翁姑耳而忍棄之耶姑曰語不云乎無兒不使婦烈婦曰語謂婦不願者難以強也若矢以終身事視兒在有加焉而何不可翁意終不同一日父有使至翁所切切耳語烈婦泣然曰是必爲我死期迫矣康熙甲寅元日詣伯翁謁拜翁以婦寡可勿謁烈婦曰拜止此矣忍不一受耶聞者以婦將嫁故別耳亦不疑也初四日謂姑曰新歲欲以杯酒澆死者墓姑許因詣墓慟哭久乃回潛自服毒毒發給家人曰病耳家人見鼻口迸血知爲毒相與強藥之稍甦曰我以毒一入喉當即死今宛轉苟活將何爲家人守之不得死至初七日防稍疎夜再服毒明早遂死初八日寅時也年二十五歲矣烈婦容止端麗言笑不苟素多賢行不述述其大者瀕死無異常時至於購毒何時藏諸何地家人迄無知者蓋定志非一日矣申子曰節義之不絕於人心是三光所錄明坤維所以不墜也而謂隨俗波靡殞身就義者不再違豈其然哉馬氏一農家婦非有詩書保姆之訓亦非習見節義有所觀感彼鄉之人嫠而再適事同初醮再適而勝沂有得色鄰嫗羣而美之以

爲當然故其翁若父謂少年宜嫁無子女宜嫁閭巷細民之  
情固無責焉而烈婦不動聲色視死如歸一毒慘矣或畏而  
中輟而氣乃加厲至于再毒孱然一女子勇過賁育豈獨笄  
流愧之哉故備著其事以俟採風者表彰焉 申涵畚烈婦  
吟紫聰山鬱蒼冶淦水清瀏山水積靈奇沙磧產瓊玖扶風  
有靜姝嫁作宏農婦夫家儒者流貨產良貴富婦家本寒微  
祖上起畎畝阿翁競刀雖謬稱補衮手女蘿附修柯自顧慙  
非偶欲爲門楣光結褵奉箕帚井臼素嫻操織紉勤趨走賦  
性比松筠居家能孝友憶昔方兒時自負原不苟阿父運并  
刀阿女持熨斗誤剪雙鴛鴦歎惋不離口如何比翼禽一旦  
不相守詎知成讖言身乃遭陽九良人冰王姿魚水期白首  
于歸五載餘所天慘不壽赤虬下庭除魂魄歸培塿痛哭摧  
心肝拊膺對雪柳願從地下遊無遺巾幘醜家人苦死留一  
言敬相剖堂上有翁姑家中有父母忍死承歡顏大義掣其  
肘婦泣且吞聲人生真芻狗承命緩須臾聊復觀其後無何  
媒妁來甘言以溺誘青春過隙駒不如早歸某婦笑而不言  
言者爲怩怩旋當歲履端登堂謁從舅舅曰婦休矣婦言侍  
不久再拜退逡巡厨中儲醕酒縞素上邱原血淚灑林藪賤  
妾有素心冥冥君知否一叫一斷腸日月爲慘黜翁姑利奇  
貨貪賭如矇瞍畏婦矢靡他避人常喁喁婦聞心已知無復  
能忍垢薄暮閉閣眠詭言痛欲嘔妯娌驚扶持藥餌拒不受  
夜半歸黃泉鶴霜猶在缶田家耕耨時蓄毒賊糧莠詎意有  
心人乃爲節義取正氣薄雲霄聲稱溢鄰石有司爲式閭親  
奠酒一卣習俗久波靡緩急忍相負一醺以身殉此事真罕

有齷齪鬚眉兒慙附裙釵後形管流輝光貞  
珉重不朽濡墨一哀吟夜靜雪風吼

縣志

歲貢李復隆繼妻胡氏年二十夫亡舅姑年耄子士傑甫三

歲與前室幼子愛之如一康熙五十三年旌

邑令孔廣棣李節婦胡氏傳畧

節婦胡氏中丞沾恩孫女中書舍人鼎卿女年十七歸同里貢生李復隆爲繼室結褵甫三載夫死遺孤士傑在襁褓前室子女亦幼撫之如已出熒熒一身措持門戶者垂三十年致其孝於舅姑生養死葬咸如禮宗族親戚咸稱節婦爲李氏功臣性不妄費而喜敦睦三世同居卒無間言士傑旣成立貢於鄉賢而有材卒能使母節克彰傑雖早死目可瞑矣傑從兄士俊弟士彥成其志如制建坊彥又以一子嗣其後嗚呼生者養死者葬幼者長以成感動歎息於其宗族親戚與一鄉之人以爲家法以爲母師豈非士君子修行於家之所難與故竊紀本末以爲世俗勸

縣志

張鳳來妻李氏年二十夫亡家貧誓死以守奉舅姑盡孝撫

孤成立與孫俱入庠曾孫四人猶及見之卒年七十二守節

五十四年

縣舊志

蘇寅陽妻尹氏年二十六夫亡孝事舅姑撫孤成立康熙五

十八年卒年六十七

儒童段成璋妻郝氏年二十一夫亡家貧紡績以養孀姑以夫姪爲嗣教孫三元讀書舉於鄉卒年六十有八守節四十七年

庠生郭儀宗妻陳氏年二十九夫亡家貧紡績奉舅姑教子讀書入庠卒年八十守節五十二年

宋殿邦妻張氏年二十三夫亡孝養舅姑撫子成立卒年八十有九守節六十六年

徐潤生妻高氏年二十七夫亡遺孤甫二歲舅姑相繼卒有田五十畝覬覦者衆高誓死撫孤家漸裕孫入太學卒年八十守節六十三年

張振有妻蘇氏年二十二夫亡家貧甚矢志守節奉舅姑撫

孤成立卒年七十有九守節五十七年

俱同上

王于燕妻趙氏王于洛妻崔氏妯娌也于燕早喪遺一子趙年二十既而于洛亦卒崔于歸甫兩月與趙共矢志燈火相依淒其對影紡績養親趙以次孫嗣崔人稱一門雙節

府志並

於乾隆二年旌

縣志

訓導趙昌樑妻解氏夫卒訓導在所氏年二十八遺腹生子辛勤守節貧不能歸郡守王嗣衍置田贍之遂隸籍焉乾隆

三年旌

府志

劉廷璋妻王氏夫亡奉舅姑克盡婦道翁姑歿每食必祭祭必泣下年至七十餘哀慕弗衰教子甚嚴次子毓瀚有名庠序乾隆五年旌

宋忠妻郝氏年二十五夫亡矢志靡他撫孤守節乾隆五年



旌

郭兆麟妻李氏年二十二夫亡撫孤守節乾隆六年旌

縣丞冀如鏡妻王氏夫亡撫孤守節事姑盡孝乾隆六年旌

俱同上

崔守祿妻趙氏年二十九夫亡家至貧遺腹生子有文撫之

守節乾隆七年同知錢表其門曰柏舟自矢

縣新志

庠生姜璽妻崔氏年二十五夫亡撫孤守節三十五年乾隆

八年旌

縣舊志

李克鎔妻秦氏年二十五夫亡守節四十五年乾隆九年旌

同上

楊敦禮妻趙氏年二十五夫亡守節四十餘年孝養翁姑

府志

撫孤汝恭汝寬俱克成立乾隆十年旌

縣志

武生楊智妻郝氏年二十八夫亡遺孤汝良甫三月孝事翁姑教子嚴有過必責因涕泣不食汝良爲國學生稱長者守

節四十餘年乾隆十年旌

同上

趙丞妻王氏年二十一夫亡無子矢志守節後數年立夫姪時泰爲嗣家素貧翁姑年耄王奉養以孝稱課時泰讀書成立食餼於庠爲知名士人咸謂得之母訓守節五十餘年乾

隆十一年旌

縣志舊

儒童甯儀妻夏氏年二十四夫亡遺孤週歲夫弟數歲氏撫之如一守節四十餘年卒乾隆十二年旌

庠生曹慧妻賈氏年十七夫亡事兩代翁姑盡孝撫孤士俊成立爲國學生守節四十六年乾隆十二年旌

儒童劉源妻韓氏年十九夫亡遺孤未週歲家貧孝養舅姑

撫孤成立乾隆十二年旌

庠生李如蘭妻郭氏年二十二夫亡無子事姑盡孝父母憐之迫他適以死自誓鄰婦百端諷之不能奪守節四十一年年六十二竟以餓死乾隆十三年旌

儒童張秀妻李氏年二十八夫亡遺孤繼良生甫七月事姑撫子守節五十餘年卒乾隆十三年旌

儒童靳逢源妻葉氏年二十六夫亡孝養翁姑傭工作苦以給朝夕遺孤桂年甫二歲撫之成立乾隆十四年旌

俱同上

郭之玉妻楊氏乾隆十四年學政呂燾以筠節冰霜表其門

同邑進士段三才爲撰節婦傳

縣新志

庠生李求條妻劉氏年二十七夫亡事孀姑以孝遺孤殤以夫兄延佐孫爲嗣撫之成立康熙四十三年歲饑出粟百石

貨鄉人悉焚其券卒年八十一守節五十五年乾隆十七年

旌

縣舊志

儒童趙先型妻武氏年二十六夫亡遺二子家貧紡績勤苦  
孝養翁姑教二子以義方次入庠卒年七十七守節五十一  
年乾隆十七年旌

儒童劉登美妻趙氏年二十四夫亡苦志守節四十年乾隆  
二十年旌

廩生申觀宸妻劉氏年二十四夫亡引刀自裁舅姑救之諭  
以守節爲難劉聽命事舅姑孝遺孤夢麟成立課之讀書食  
餼於庠孫成章乾隆十八年舉人劉年八十九守節六十六  
年乾隆二十一年旌

儒童劉愷妻姚氏年二十一夫病篤屬氏善視二子氏斷指

以誓夫亡或從愿他適氏截髮刺面乃已舅姑歿喪葬事獨任之不以諉夫兄撫二孤皆成立年六十六守節四十四年  
乾隆二十一年旌

儒童王治妻杜氏年二十五夫亡遺孤朝樞甫三歲矢志守節事舅姑盡孝教子讀書成立入庠年六十六守節四十二年  
乾隆二十一年旌

張醕妻祁氏年二十六夫亡誓死守節撫孤永祐成立入庠年六十七守節四十一年  
乾隆二十一年旌

庠生孫芬妻婁氏年二十七夫亡矢志守節撫孤輝祖成立入庠年五十八守節三十一年  
乾隆二十一年旌

庠生楊正妻時氏年二十五夫亡矢志守節事舅與繼姑盡孝撫孤成立課之讀書爲名諸生年六十五守節四十一年

乾隆二十一年旌

劉可忠繼妻解氏年二十二夫亡撫孤成立夫弟二人久未葬解使子葬之如葬父禮守節三十一年卒乾隆二十一年

旌

俱同上

陳君相妻喬氏年二十四夫亡遺孤甫週歲飲泣鞠育以紡織佐讀書舅姑相繼病篤日夜侍湯藥夫姪其功其信少孤

貧撫如已出守節三十六年乾隆二十六年旌

縣新志

教文炳妻李氏年二十九夫亡姑痛子成疾氏節哀承順得其歡心訓二子成立孫馭恭早歲入庠年七十卒乾隆三十一年旌

李之茂妻孔氏年二十二夫亡遺孤徽方週歲徽長娶婦董氏未半載徽亡董年十九無出事孀姑能得歡心孔年七十

二守節五十年董年五十守節三十二年並於乾隆三十九年旌

李簾妻楊氏年十九夫亡家貧遺孤幼備歷艱辛撫之成立年七十八卒守節五十九年乾隆四十年旌

程維新妻閻氏年二十七夫亡矢死靡他越八年堂弟君弼以次子思義嗣之年甫週歲恩勤撫恤葬祖翁兄弟三喪使無停櫬守節四十三年乾隆四十一年旌

劉崇儒妻李氏年二十六夫亡引刀自裁被鄰婦救止家貧甚李上事孀姑下撫幼子國珍遺腹子國瑞均成立守節六十年乾隆四十二年旌

張維垣妻曹氏于歸善病勸夫納妾徐氏生子一視如已出夫亡曹氏年三十水漿不入口者三日徐氏年二十五矢志

同守教督孤子嚴課諸孫後孫廷瑞入庠曹年六十七卒守  
節三十九年徐年七十七卒守節五十三年並於乾隆年旌  
楊士傑妻張氏夫病三年扶持未嘗少懈迨病危夫曰家貧  
子弱汝宜自計張嚙指出血自誓夫亡張年二十五遺孤甫  
週歲恩勤撫育讀書成立守節三十五年與姑郝氏同於乾  
隆四十三年旌

孫光烈妻時氏年少夫亡遺孤幼殷勤撫育訓以義方子孫  
皆恪遵禮教乾隆四十六年旌

饒士毅妻李氏年二十九夫亡家貧窘嘗月夜紡績至冬不  
輟以孝養舅姑遺孤端甫六齡又遺腹生子靖教養成立年  
九十一卒乾隆四十七年旌

高金煥妻趙氏于歸三年夫亡年二十無子孝事舅姑事繼



姑尤勤撫夫姪爲嗣娶婦韓氏得顛疾有子弗能撫氏代撫成立守節四十二年乾隆五十三年旌

劉梅妻王氏年二十六夫亡誓以身殉舅姑勉以養老撫孤飲泣從之家貧勤女紅以供甘旨子二俱幼撫之成立守節四十五年乾隆五十四年旌

徐成妻韓氏于歸三載夫亡年十八無子矢死靡他事親孝撫族幼子爲嗣恩勤保護讀書成立守節四十五年乾隆五十四年旌

施立達妻趙氏年二十夫亡侍翁姑病日夜不稍懈夫弟敬勝方在抱趙撫之如子後敬勝入庠欲授徒以養嫂不可曰吾猶能紡績叔無憂宜力學守節三十七年乾隆五十四年

旌

俱同上